

Bufũndamisyétano

Ubũlagĩli Bwãfyãkupalamasígwa



Lilino une...?...[Ubuyo busitakandu pa tepi—Nsimbi.]

Aka ko kabalilo ka kwanda une mbombilemo siku ikyene mu silisyosa sya ngomano syangu ukufuma papo une mbukileko mu ngunda. Aka ko kabalilo akapya. Nkundwe Baxter akindle; kangi—kangi u Nkundwe Bosworth ali mu India, pamo, Africa; kangi Nkundwe Baxter, une ngamanya kũko umwene aliko. Umwene akĩndĩle kubuyobumo, kangi abāngi ba bēne basōkilēpo nukubũka. Kangi Billy na une tuli apa twĩmwēne, popāpo uswe tuli itolo na kabalilo akakulumba: itolo tukufyũka, ukugoga nu kulya. Polelo, uswe—uswe mu luko lumo tukwipilika bo lula lumo uswe tubagĩle, nu butuli bwa Ntwa, uswe tubagile ukukindilila nu lukomano nkyene ukukinda patwibene. Iyo yo nongwa une nsangalwike ukuketa ulwene lukukindilila panini panandi, panongwa yimoyene yila. Une ngwitika u Ntwa ikututulaga uswe ukubomba ikyene. Lilino, umwe mumenye kilipo... .

Une mbaganile abapakikisya bangu. Une ndinabo bamo abaganigwe abakundwe, Bosworth, Baxter, Lindsay, Moore, bosa, ndinabo bahano ba bene, Baron von Blomberg. Abene bo itolo banyambala banunu fiyo. Lōli kilipo itolo ikindukimo ikya, akabalilo kãko ugwe kwega ikibugutila kya bāndu palikimo, yumo ali ni kindu kimokyēne, yumo ali ni kingi. Utubalilo tumo ikyo kyo kikĩndéne na iki une ngwĩnogona nimwene. Popāpo une—une—une ngwipilika ngati une itolo ndimwābũke lilino. Uswe tubagile itolo ukuya na kabalilo akakulumba, itolo ukupeteka amaboko ga syati syituz, nukukwiyingisya itolo nkati nu kulya. Une ngwinogona isya kuniengela mmwanya amaboko ga syati syinu nukuya na—na kabalilo akakulumba.

Ili Bangeli lyangu ilyakwanda lyāli kipeligwa. Une nālimmanyile Kyala ukwisila mu kipeligwa. Kangi une niganile ukulob'iswi. Mumo une niganile ukulob'iswi! Kangi ugwe gwiganile ukulob'swi, mwanangu undumiana? Linga ugwe gwiganile ukulob'iswi, kangi unganlile u mama gwako, ugwe kubukaga ukutendeka u ndumiana unnunu. Kangi lope u lupindiko lwangu lukalyegilemo ikyene kyosa mma ukufuma mwa une. Polelo i lisiku limo une nāli mmwanya mfyamba, ukulob'iswi. Lilino, iki kyo itolo panongwa ya bwĩnóge bwa ndumiana unnini uyu. Kangi une nalobaga kumwanya kula mfyamba...Kangi ku banike abanini abangi, ena, bikele ukusyungutila. Kangi une nālobaga i mbasa. Kangi, o, ikyene kyo kinunu nkabalilo ka bulenge. Une ngubuka mulo bo lula,

kangi yalimo itolo imbasa nkibwina, umwe mumenye, bo ulo. Kangi itolo ukuntufya u Ntwa nukuya na kabalilo akanywamu, ukulalata. Utubalilo tumo, ngusuluka ulugoye lwangu. Une ngwitika mu kuywega. Ameni. Une naloliloli ngwitika. Panongwa yakuti, une mmenye ikindukimo kikungamanda une, kangi ikylene itolo kikubomba ikindukimo kwa une.

² Popāpo une nākīndīle panandi ulubunju lula, kangi akabalilo kāko une ngugomokela, ikindu ikihesya ukukinda: Filimo ifilundiko fya findingo nkisu pamwanya pala, mu New Hampshire. Une ndinako akagonelo akanini kumwanya kula, kuko une niganile ukulob'iswi. Kangi une nāli na kahema akanini akaiyolo kimile mmwanya, akanini akahema akambwa une nitugasyaga ngamo. Kangi ikindingo ikititu kyo kindu kyamatingo ukukinda iki kilipo. Popapo, unkangale kindingo mama na tubili utunini utwana twalingile nkati mula, kangi twapanganywile ihema yangu!

³ Lilino, ngimba umwe mukwinogona fiki une angali bombile ku kindingo kila, undindwana unnini kunyuma kula ni nywili i ngesefu, kunyuma kula? Une nabagile ukunkonga kunyuma kwa umwene naloliloli, bule une?

⁴ Loli apa po iki umwene ābombile. Umwene ikwisa mula, umwene alinkuswanyulania ikihema kyangu pāsi kangi umwene alinkubalania kilikyosa panja, nukulya i kyakulya kyangu kyosa une nāli nakyo pala, kangi umwene ābombaga itolo kanunu. Polelo akabalilo kako une ngwisa, umwene alinkubuka. Kangi alinkukuta ku twana twake, kangi kamo akanini akana kalinkubopa ukusopa nu mwene. Kangi akangi kalinkusita ukubopa; umwene itolo itugesye pala. Inyuma yake yisindile kwa une, bo ulu, kangi umwene abombaga ikindukimo. Kangi une ngali nakyo nakimo nkiboko kyangu loli akanini akaiyolo akandwanga kammaboko. Une nafumile pakutumula ukusyungutila tumo utuswatu pasi pala. Ena, umwene alinkubopela panja ukufwana nu butali, o, une ngusakikisya i liyengo lya telefoni lila panja pala, kangi umwene alinkwitugasya pāsi. Umwene ikukuta ku kindingo akanini akaiyolo aka, kangi umwene akaabombilepo ukulutegelelo ku kyene. Umwene itolo alinkumilisa ukwitugasya pala.

⁵ Une ndinkwinogona, “Ngimba umwinitu unnini yula ikubomba fiki?” Une ndinkusegelela panini. Une natilaga ukufika kifuki fiyo, ngutila umwene abagile ukung'wala une. Polelo—polelo une—une ndinkutoligwa ukukēta u mpiki, kangi une mmenye umwēne ābagile ukufyūka yope. Polelo, kangi une ngālundaga ukufika kifuki fiyo ku mwene, panongwa yakuti une mmenye ubupeligwa bwa kindingo. Polelo, une ndinkubuka itolo kifuki panini panandi. Kangi umwe mumenye iki kyābonike?

⁶ Lilino, une mfiganile ifisyesye ifikalange. Balinga ba umwe balumiana mufiganile ifisyesye ifikalange? O, ndumiana! O,

une...Balumiana baiyolo, nūmwe. Une nābabwēne abēne babīkile amaboko gābo mmwanya. Uswe twesa tufiganile ifisyesyē ifikalange, kangi une itolo figanile ifyene, kangi une niganile ukonelela uluki pa fyene. Ukuya Mōsi, umwe mumenye, ikyo kyo iki kikutugolosya uswe, ugwe umenye, yo lūki, ugwe umenye. Polelo, kangi pilikisya, une ndikufinyāfila ifyēne, une naloliloli ngufyosyā ifyēne. Une naloliloli ngonelela ulwene papo ikylene lo naloliloli kinunu kangi kisito. Une ndikunayefila itolo akayabo kanini apa na apo. Une naloliloli ngukyokonelela ikylene pa fyene, ukufifikisya ifyene fyosa fisusigwe nu lūki.

⁷ Kangi polelo, umwe mumenye, une nali na kandobo ka lūki pamwanya pala, sinda gwa kigubu gwa lūki. Kangi ifindingo fyō filuganile fiyo u lūki. Popapo umwiniti unnini uyu alingile nkati mula kangi alinkusosyapo ikikupililo ukufuma pa ndobo ya lūki yila, kangi umwene alitugesye pala bo ulu, nindobo innini iya lūki pasi pa kiboko kyake, bo *ulu*. Umwene alinayo i...Kangi umwene akaamenye akalyelo ka ulwene, mumo ugwe ubagile, umwe mumenye, popapo umwene itolo ikuyubika akalundi kake akanini pasi mula nukumyanda ulwene bo *ulo*, nukumyanda ulwene. Kangi umwene alinkusyumbutuka ukungeta une, kangi utusige twake utunini utwaiyolo tosa twakamandanigwe palikimo, akalwanda kake akanini kāli itolo kāli itolo kamyatiligwe mumo akene kabagilile, nu lūki. Umwene itolo alitugesye palax, ikubikamo akaboko kake pasi nukumyanda ulūki, bo *ulo*, itolo mbibimbibi mumo umwene abagile ukumyanda.

⁸ O, mwe, une ndinkwinogona isya lukomano lununu ulwakabalilo-kaiyolo ulwa Mbepo Mwikemo, akabalilo kako uswe itolo twigulaga indobo, ukubikamo amaboko gitu mula mu kisupa nukumyanda mosa. Itolo umilisyaga, umwe mumenye, itolo ukwimyānda ukusōkāpo.

⁹ Kangi umwe mumenye iki ikindu ikisekesye kyāli, palema? Bo u mwiniti unnini amalile pakuya na lulwingi mumo umwene abagile ukuya nalo, umwene alinkuyileka indobo pasi nukubopapo panja panja pala. Ngimba umwe mumenye iki kyabonike? U mama kindingo na kindingo akanini balinkummyanda umwene, ukuti basosyemo ulūki.

¹⁰ Polelo, ena, lumo u lukomano lwitu lwisakuyaga kindukimo pa lubatīko lula, une ngusubila, polelo uswe tubagile itolo ukumilisya ukubabula abangi, kangi u lwimiko lwa Kyala lukugwa pa uswe. Umma ndaga.

¹¹ Une nsangalwike pakubabona umwe bāna banini. Une ngulonda ukubabūla umwe ikindukimo bo ikyo. Kangi lumo kilabo pamūsi, uswe tuli nakabalilo kingipo, kangi—kangi uswe tubagile ukuyoba ukōngelelāpo panini. Kangi uswe tukuyobaga kwa bāba na māma lilino ukufwana ni kindukimo.

¹² Uswe tukuyaga pakuyoba pa *Bufundamisyétano*. Mu Masalimo 103: 1 ukufika 3, uswe tukubala amanandi aga. Kifuki undumbilili aligwesa nu mputi, pamo u mbala i Bangeli, amenye agene pa ndumbula.

Sayaga u NTWA, O moyo gwangu: kangi fyosa ifi fili nkati mwa une, sayaga i ngamu yake inyikemo.

Sayaga u NTWA, O moyo gwangu, kangi komma ukwibwa fyosa ifya kufunjamo fyake:

Uyu ikuhobokela ubonangi bwako bo bosa; uyu ikubumbulusya imbungo syosa isya syako;

¹³ Une ngulōnda umwe ukukētésya pala, icyēne kyāli “syōsa.” “Uyu ikuhobokela ubonangi bwako bo bosa, uyu ikubumbulusya imbungo syosa isya syako.” Lilino ngimba uswe tubagile ukwinamisya imitu gyitu pa kabalilo itolo.

¹⁴ Lilino, Tāta Gwakumwanya, uswe tukukupalisya Ugwe pamusi apa, panongwa ya kuya panja apa. Uswe tukukupalisya Ugwe panongwa ya bāna banini aba aba aba bītugesye ukusyungutila, abēne bo banyāmbála ba kilabo, na bakīkúlu, linga aliko u kilabo, linga Yeso ikukabilapo. Kangi lilino, Tāta, uswe tukusuma ukuti—ukuti Ugwe kutusayaga uswe lilino bo uswe tukuyoba pa Lisyu Lyako, kangi ukufwana nu ndugu unkulumba uswe tulinagwe, Sētáno. Uswe tukusuma, Kyala, ukuti ugwe kutwitikisyaga ukubika icyapankyeni panja, icyakwenda-pakyene icyapakyene apa, a maka ga Kyala, iki kisakwimikana nu mwene ikilo iki mu inchi yiliyosa ya butali, Ntwa, kangi mbonesa umwene ukuti umwene akaya nubwabuke bwamundagile na panandi, ukuti Kristi ālimponjwile umwene mbuyo bwitu kula ku Kalvari, akabalilo kako Umwene āfwile, kangi Umwene alyōnangile ubwapamwanya bwake nukumpoka Sētáno ifya galigosa—galigosa a maka aga umwene ālinago. Kangi, Kyala, tupapo uswe amahala nu kupilikisya lilino, ukumanya nukulingania ku bāndu mūmo fikuti abēne babagile ukumanya akabumbulusigwe nu kumponjola Sētáno. Mu Ngamu ya Yeso uswe tukusuma. Amen.

¹⁵ Lilino ku maminiti manandi uswe tukuyaga pakuyoba pa *Bufundamisyétano*. Ugwe kupilika fingi fiyo isya misyétano. Lilino, kilabo pamūsi uswe lumo tukumalisya mōsa. Une nālonidaga amasiku mabili ga ndungu ugu, mulimosa, ukulumbilila pa iki, itolo . . . pamo amasiku mabili ku ngomano sya pamusi, ukuyoba pa iki.

¹⁶ Lilino, ikindu kyakwanda, iki i lisyétano lili. Ugwe kupilika abandu bingi fiyo bikuyoba isya lisyétano. Ena, lilino, u “lisyétano, mōhesi,” fyosa fikwisa ukufuma ku lisyu limolyene, kangi mu Kingereza icyene kikukōleligwa “ntwalabutolwe.” U mwinitu uyu ikutwal’ubutolwe yo mōhesi, u mbiibi yula. Umwene ikuyoba . . . Lilino, ili Bangeli umwisyugu lyo, ku

bingi, ku bandu bingi, lyo limo lyakunyuma ilibuku lyaiyolo ili mwisukulu na mbuya ābalile, pamo ikindukimo bo ikyo. “Fikayapo fingi fiyo ku lyene, ilyene lyo lya bandu abakangale, na fyosa.” Loli ikyo kyo kisobi. Ilyene lyo lyaaligwesa. Kangi imisyétano gyo mitwalabutolwe gyo gikukutamia uswe.

¹⁷ Lilino, gilipo imisyétano igi gikwisa mu moyo gwa mundu, kangi ikyo, mbuyobelo, ikyo ikyokibagile—ikyo kibagibagile mu i. . . Une mbagile ukuyoba, palema, ilisyétano ili likwisa mu moyo lyo lindulimo likutwal’ubutolwe u moyo.

¹⁸ Utubalilo twingi ugwe ubagile ukumbona u mundu ugwe busyut’untu. Lilino, abene babagile pope mundu umpinduke, isusigwe nu Mbepo Mwikemo, kangi loli yo lôsa usyutil’untu. Muketile? Uko ko kutasuya. Ikyo kikaya nakimo ikyakubomba nu moyo. Ikyene yo ntwalabutolwe, muketile, ikindukimo iki kikutwal’ubutolwe ku bene.

¹⁹ Lilino, ububine bōsa, uswe tukufĩmbilisígwa ukulwāga tāsi ukuti ububine bōsa bwālisile ukufuma kwa mōhési. Kyala akaya mwāti gwa bubine. Nabumo ububine bukufumila kwa Kyala. Kyala utubalilo tumo ikwĩtikísya Sētáno ukubĩka ububine pa ugwe, ukuya kikoti ukukutwala ugwe ukugomokela ku nyumba ya Kyala, akabalilo kako ugwe kusāmbuka. Lōli ububine, ku bwāndilo bwāke, bufumile kwa mōhési. Ngimba umwe mubagile abagononela umundu abagile ukwitika ukuti Kyala, gwitu Tata Gwakumwanya, isakuyaga mwāti gwa kindu bo ububine nu bufwe? Mulimosa, umma, Umwene akaya mma, akalimo siku, siku kitisakuyamo. Kyala ikwitikísya ubufwe panongwa ya lusāmbúko. Kyala ikwitikísya ubufwe. Bo mumo u nsĩmbi yumo āyobíle, “Bosa ubu ubufwe bubagile ukubomba, Kyala akikolekísye ikylene ku gileta kangi ubwene bukutukwābila uswe nu Kuyapo kwa Kyala, u mwitiki.” Loli ilisyu lya *bufwe* kokuti “ukupagula.”

²⁰ Yeso aatile, “Umwene uyu ikupilika a Masyu Gangu kangi nukunyitika Une, ali nu Bumi bwabwila.” Kangi Umwene alinkuti, “Une ne busyuke, Bumi, umwene uyu ikwitika mwa Une, palema nalinga umwene āfwile, pope isakuyaga mumi umwene, kangi aligwesa uyu ikuya nu bumi nu kwitika mwa Une atisakufwamo siku.” Kangi uswe tukupimba imibili gwa yumo nu nnine pamwanya basitabwikemo ba lisyétano litu. “Loli umwene atisakufwamo siku.”

²¹ Lilino linga ugwe kukētésya akabalilo kāko Umwene āyobíle isya Lazaro, Umwene alinkuti, “Lazaro ikugona’utulo.”

²² Abafundigwa, banyambala bo uswe tuli, abene balinkuti, “O, linga umwene ikugona umwene ikubomba kanunu.” “Umwene ásanusyaga ikwegapo ubutusyo,” ifi abene binogona.

²³ Loli Umwene ikwisa nukuyoba ku bene mu njobelo yabo. Umwene alinkuti, “‘Umwene afwile,’ iki umwe mukwitika. Loli,” alinkuti, “Une ngubukaga ukwakusumusya umwene,

ukunsumusya umwene.” Muketile? Muketile? Akabalilo kako ugwe uli. . .

²⁴ *Bufwe* bukusanusya “ipāgúla.” Lilino, linga yumo mwa umwe abagile, yumo mwa nyumba yinu ikufwa, pamo ikindukimo, umwene ali, linga umwene gwakupinduka, abene bakaya bafwe. Abene bo bafwe mbwimilo bwa bundu. Lōli abēne bo itolo bapāgulígwe ukufuma kwa uswe, lōli abēne bali mu Kuyapo kwa Kyala. Abēne bakafwa mma, kangi abēne bakabagila ukufwa, icyēne kyo kikabagila ku bēne ukufwa. Yeso aatile, “Umwene uyu ikupilika a Masyu Gangu kangi nukumwitika Umwene uyu ālindumile Une ali nu Bumi bwabwila, kangi atisakwisa mu bulongi, loli akilenie ukufuma ku bufwe ukubuka ku Bumi.” Popāpo, umwēne akabagila ukufwa. Kalikōsa aka kasitakufwa, Syēpwa, icyēne kikabagila ukupyūtígwa. Ikyene kyo Bumi ubusitakupyutigwa. Umwene ali nakyo Ikyene panongwa yakuti Kyala ampele Ubwene kwa umwene. Kangi komma—komma mwakubagilila; icyene kyo ni. . . Ikyene kyo kisitakubagilila. Kyala ukupa Ikyene ku mwene.

²⁵ Kyala ikukolela. Nayumo umundu abagile ukwisa kwa Kyala pene papo Kyala alinkoliile umwene. Yeso aatile, “Nayumo umundu abagile ukwisa ku Myangu penepapo Tata Gwangu ikunkolela umwene, ikunkwaba umwene.” Uko kutalusya? Polelo umwene yo Kyala mu fyosa. Lumo kilabo pamūsi uswe tukwegaga panandipo pa ikyo, panongwa yakuti une ngulonda ukutwala ikindu iki ikya *mbungo*, kwa umwe, ukuti umwe mukukētága kila.

²⁶ Kālipo akabalilo kāko uswe twalisile ukumesígwa mwa mwisukulu-gwa-mwisukulu gwītu. Umwe mumenye ikyo. Dokotala amenye ikyo. Ena, umwe mukubomba, numwe, umwe bafunda li Bangeli. Umwe mumenye imbeyu ya bumi yalyāndile mwa mwisukulu-gwa-mwisukulu, ukwisa ukuya mbeyu, nukwisa panja ukwisila mwa mwisukulu gwako, polelo ukubūka mwa tāta gwāko, polelo kwa māma na kūko ugwe uliko lilino. Uko ko kutalusya. Lisimbo lyope likumanyisya ikyo. Apa lilipo i Lisimbo kuli ugwe linga ugwe kulonda. Une ngwitika Ikyēne kyāyobīle ukuti Levi āhōmbīle ifyākalóngo akabalilo kāko umwēne āli nduyungu lwa Abraham, uyu yo āli mbuyagwa-mbuya gwāke. Uko kutalusya? Polelo, muketile, imbeyu yikuya kunyuma kula.

²⁷ Loli ubumi bwako bwatendekigwe bo ulwalo lwa kisu, akabalilo kako Kyala āpelīle u mundu mu kifwani Kyake Mwene; mbepo gwa mundu; komma *u* nnyambala mu kifwani Kyake Mwene, loli *nnyambala* mu kifwani Kyake Mwene. Muketile? Kangi polelo Umwēne ābatēndīke abēne ikinyāmbála ni kikīkúlu, bo Umwēne akālimo siku nu mūndu mu lufumbi lwa kisu. Ngunyonywa uswe twāli nu lusako amayolo aga, ukwegwa akabalilo kitu nu kugomokela mu ikyo. Keta itolo mumo

Kyala... Lilino, ikylene kyo pakati pa lukindi, loli, akabalilo kako umwe muketile, ikylene kikwisa palapala nu lukindi. Muketile? Mũmo fikuti Kyala, ukugomokela ku bwandilo, iki Umwene ābombíle pala, kangi mũmo Umwēne ālyēndíle ukusuluka nkĩsu na mũmo fikuti Umwēne āpelíle u mũndu mu kifwāni Kyāke; kangi polelo Kyala alinkusyumbutuka kangi alinkupeligwa nkifwani kya mundu, ukutabula umundu.

²⁸ Lilino, akabalilo kako Kyala āpelíle u mundu mu kifwani Kyāke, umwene āli nnyambala gwamwambepo. Kangi polelo pakalipo u mũndu ugwakulima umfu. Polelo Umwēne alinkumpela u mũndu ukufuma ku lufumbi lwa kĩsu. Lilino, ababalangulilo, na fyosa bo ifyo, kangi abandu aba aba bikulondesya nu kwegā ififupa ifyaiyolo, na fyosa bo ifyo, kangi bikwitika mu lwanduko... Une ngwitika mu luko ulutalusye lwa lwanduko. Mundu ukwanduka ukufuma mwa mwene, loli komma gwesa ukufuma mu kambakasya kamokene. Umma, nkulumba, panongwa yakuti i–i njuni yiyile njuni ukufuma palapala Kyala alimpelile umwēne njuni, kangi u salila ayile salila, u mundu ayile mundu. Uko ko kutalusya.

²⁹ Lilino, une nayobaga ku ngānga apa akabalilo kunyuma, mu Louisville. Umwene alinkuti, “Fiki, Rev. Branham!” Une nayobaga isya mumo abenekisu ba Africa, mumo abene bikulila, itolo bikusuluka pasi kifuki... O, fimo mwa findu ifinyali ukukinda-fyosa ifi umwe mubagile ukukétamo siku, mumo abene bālyelaga! Itolo bikupimba ifindu ifi fibwapuligwe, ifwīngili mu kyene, itolo ukuyugania isyene ukusyungutila, ifwīngili na fyosa. Kitikupela ukukindana kulikosa kwa umwene. Muketile? Abene balinkuti... Ukunwa kalikosa, kitikupela ubukindane bulibosa iki ikylene kili. Umwene alinkuti, “Loli, Rev. Branham, abandu bala bakaya bandu mma.”

Une ndinkuti, “O, ena, abene bo ba bundu. Abene naloliloli bo bandu.”

³⁰ Une ndinkuti, “Ikindu iki kili kifuki fiyo ku mundu, mu lukindi lwa kinyamana, yo salila-nkulumba. Kangi umwe mugelile ku fyiŋja maelifu mana ukuti ukumwegelelamo ukufuma mwa salila-mzee yula, kangi umwene akabagila ukubomba ikylene,” Une ndinkuti, “panongwa yakuti umwene akabagila ukwinogona. Umwene akaya nako nakamo ukwinogonela.” O, ugwe ubagile ukummanyisya umwene utundu utunini ngati i falasi, sanukila ku kimama kangi kukililo, pamo fwala amandalasi, pamo ikukwesa i ngambo, pamo ikwibika mwene pa njinga, ukwitoga pa falasi, pamo ikindukimo bo ikyo, lōli itolo bo “kililo” kangi “kīmama” ku falasi, pamo “itugasya” ku mbwa, pamo ikindukimo bo ikyo. Une ndinkuti, “Umwene yo kinyamana.”

³¹ “Loli ugwe ndeke une mbuke kunyuma mu Africa, ku luko ulugasi fiyo abene bali nalo, kangu ulo lo luko lwa bandu ulunini lwa mbundu-gwa-ndisu.” Kangu une ndinkuti, “Lumo umbuya-mbuya-mbuya-mbuya-gwambuya akalimbwene unnyambala umwene pamo nakimo. Ikindu kyene iki umwene amenye, umwene akamanya kangu mma iki kyo kiboko kililo kangu kimama. Ikindu kyene iki umwene amenye ko kulya, kangu umwene ikulya iki umwene abagile ukwega amaboko gake, linga ugwene go mbili gwa mündu, kalikōsa akangu, kitikutēdeka ubukindane ku mwēne, itolo ukutu umwēne ikulya. Lōli unko une nummwāge umwēne ku fyīnja fihano mbukusi, kangu pa fyīnja kalongo na fihano mbukusi umwēne isakuyoba i Kingereza ikinunu nukuya nu bumanyi ubununu. Fiki? Umwene ali nu moyo. Kyala alimpelile umwene ukuya mundu, kangu umwene ali nabo itolo bo bwingi ubwabuke ukupilika i Nongwainunu, kubunini-ukukinda kamokene, bo mumo uswe tulinabo ubwa kulumbilila ukusyungutila kuno, mosa ukukilania mu America, ku bāndu, ukwandisya kangu ukwandisya kangu ukwandisya, kangu nukusuma, ukupepeka na filifyosa. Unko umwene apilikege iyene akabalilo kamo, kangu nkētēge umwene ikukuuta nukubopela ku kigemo nakalinga fiyo.” Muketile? Ena, nkulumba!

³² Ikyo kyo iki indumbula yangu yili, nkundwe, umwisyugu, akabalilo kako une ngwinogona isya Africa, kangu ifyene ifipelakisa ifinini ifiboko ifititu bikufyusya mmwanya, bikuyoba, “Nkundwe Branham, akabalilo kamo akakongelelapo isya Yeso!” O, kisa! Kilipo ikindukimo mwa une kikukumba kangu kikupya. Itolo nakalinga na mumo une mbagile ukwagila ihela isyakufwana, une ngufika ukukilania kula, nīne. Ikyo kyo iki une ngubōmbēla nu lutalama lulilōsa une ngulwaga, kilikyōsa, Kyala amēnye, palubafu itolo iki une mbagile ukulya. Kangu abandu bingi binkumbapo une imyenda gyangu. Kangu itolo iki une mbagile ukwikatusya nu bumi, nimwene, itolo ukuya kifuki mumo une mbagile, Une ngusopa akene mulamula nu hela sya butumigwa isi i sikali yitendekisye. Une ndikusonga ni songo pa yene mma. Ukugaga ukufika ma dola matatu pamo mana, maelifu mahano, kangu une ngwēga ukukilania kula nukulūmbilila i Nongwainunu ku bāndu aba une mmenye ku lisiku lila une nisakufimbilisigwa ukwāmūla. Kangu une mmenye iki une nisakwamulila.

³³ Une nālisibile, akabalilo kako une nabagile ukubuka nkaya, une nayaga nu lukomano ulunywamu kunyuma akabalilo kako abene bali ni filundiko fya hela, kangu abēne bali ni sasanio ingulumba na maelifu ga ma dola, une nayibikāga iyēne kula ku Kipīngika Ikikesefu na fyosa bo ifyo. Lilino, lilino, kisita kubaywelula ku bene, loli ukwisa ukusuluka u lukindi mu ligali lya madola-maelifu-mana, na manati ga diyamondi amanyamu bafwele, ikukwesa i ngambo, kangu amadola bamia bahano

pa ndungu pa hela isi abandu ababine- . . . Umma, nkulumba! Umma, naloli! Kangi pa ifi, kangi akabalilo kako umwe mukusōka ukufuma nkaya, abene balinkuti, “babunguluka-bikemo,” kangi na filifyosa bo ifyo, kangi ukubūgila, kangi ukubika pasi ubwiputi ubu uswe tukwimililapo. Umma, nkulumba!

³⁴ Une ngwēga icyēne nimwēne, kangi pankyēni pa Kyala ukuya Ndongi gwāngu, Une ndinkuyibika iyene mu mbombo ya Nongwainunu kula, polelo une mmenye ukuti pa Lisiku lila ili une ngwisa . . . akabalilo kako une nisakupa ilyamulo panongwa ya buketesi bwangu, icyene kipegigwe nubutalusye. Uko ko katikati kotalusya, panongwa yakuti une ngusyagania mumo une ngubombelaga abandu ba Kyala. Itolo akiyegelo kangi kwa umwe ko kwiyegela kwangu kwa Kristi. Kangi ukwiyegela kwako kwa une ko kindu kilakila, uko ko kotalusya, kwa Kristi.

³⁵ Lilino, ukubabona abāndu bo lula, nukukéta mūmo fikuti u mūndu, polelo, nu moyo unsitakufwa lilino, aba akabagila ukufwa, akabagila ukupyūtígwa, bakabagila ukubōmba nakamo lōli nukuya nu Būmi ubusitakumalika, ukuti Kyala pamwene, mu bwigane Bwake Mwene, āpele ubwene kwa ugwe. Kangi lilino, polelo, lilino une . . .

³⁶ Unko une ndalusye iki itolo pakayabo kanini, pamo ukuyoba ikindukimo. Yumo isakusōkaga ngapo nukuyoba, “Nkundwe Branham yo gwa kiCalvin.” Umma, une ngaya mma. Une ndi gwa kiCalvin akabalilo kosa aka linga i kiCalvin kili mwi Bangeli. Lōli akabalilo kāko i kiCalvin kikusōka ukufuma mu i Bāngéli, polelo une ne kiArminiani, muketile. Une ngwitika mu Bwikémo kangi une ngwitika mu kiCalvin, nīne. Loli, bosa babili ba abene, yumoywene ikubopa ukufuma ku lusamba nukubuka injila *iyi*, kangi yumo alinkubopa panja pa lusamba nukubuka injila *iyi*. Linga icyēne kikāli kwa Būku gwa Baefesi, ukukitwala icyene ukugomokesya nukukibika icyene mbuyo ubutalusyi kūko Kyala ābombile, uswe twesa angali tukuyaga bafuluganisigwe mosa. Loli abene bosa-babili bali ni kimanyisyo, loli abene bikubuka ku mbeyu pa kyene, kilikyosa, ikyo kyo Bwikémo kangi aba kiKalvinisti, bōpe, aba kiArminia. Lilino, aba Calvin bali ni kindukimo ikwabwanaloli. Une ngwitika ukuti—ukuti i kimanyisyo kya kiCalvin . . .

³⁷ Une ngwitika iki. Mbuponesigwe, une ngwitika i Kipanga kili nu buponesigwe Bwabwilanabwila. Kangi umbala gwa i Bāngéli amenye ikyo, panongwa yakuti Kyala atalile ayobile Ikyene kyabagile ukuboneka kula kisita kalemafu. Uko kotalusya? Polelo, Ikyene kikuyaga pala. Ngimba uko kotalusya? U Bi- . . . I Kipanga kyo Mwasyēpwa kiponesigwe. Lilino, bo umwe muli mu Kipanga, kyo kindu ikikōnge. Linga ugwe uli mu Kipanga, umma ndaga, ugwe uponesigwe ni Kipanga, lōli ugwe kinunupo syālāga mu Kipanga. Kangi ngimba ugwe kufika bulebule mu Kipanga? Na pabuyugānia amaboko? Umma.

Ukubika i ngamu yako mwa buku? Umma, nkulumba. “Na Mbepo yumoywene uswe twesa tōsigwe mu Mbili gumogwene.” Kangi u Mbili gula, Kyala ālongile ku Kalvari, gwāli Mbili gwa Yeso Kristi, kangi uswe tōsigwe mu Mbili gula ukwisila mwa Mbepo yumoywene. Uswe tuli nu buponesyo bwa Syepwa akabalilo kosa uswe tuli mu Mbili gwa Kristi, nakimo kibagile ukutupāgūla uswe, nakimo kikutupalamasya uswe. Linga ugwe kusōka panja, ugwe kubūka panja nu bwīgāne bwāko gwīmwenē. Loli itolo nubusisimikisye, linga ugwe uli mu Mbili gwa Kristi, mumo naloliloli Yeso āsyukile ukufuma ku bafwe, ugwe kusyuka nugwe. Kyala abombile ikyo. Umwene . . .

³⁸ Ugwe ukabagila ukutulwa inongwa. O, ugwe kubomba . . . Une mbagile ukuya ntulwanongwa pamaso pako, loli linga une ndi mwa Kristi, Kyala atikukibona ikyēne, panongwa yakuti imbibi syāke sikuhombela . . . Ililopa Lyāke likuhombela imbibi syāngu pala. Muketile? Une ngabagila ukutulwa inongwa. “Umwene uyu apapigwe mwa Kyala atikutulwa ubonangi, kabuno umwene akabagila ukonanga. Uluseke lwa Kyala lukusyala mu mwene.” Muketile? Umwene, umwene itendekisye, linga umwene ikubomba ubusobi, naloliloli, umwene itendekisye ukufumusya ikylene. Linga umwene yo Nkristi gwabwanaloli, umwene ikubombaga ikylene. Linga umwene ikuyikolelela iyene ukugomokesya, umwene ikunāngisya umwene akaya nakyo nakimo, mbuyo bwakwanda. Uko ko kutalusya. Umwene akaya nakyo nakimo, ukwanda itolo. Loli linga umwene yo Nkristi gwanaloliloli . . .

³⁹ Papapa apa, ugwe kubyaligwa imbeyu ya ngano mu mfu, iyene bwila yikuyaga mbeyu ya ngano. Abandulwe babagile ukuyapo ukusyungutila iyene, na filifyosa ifingi, loli iyene yisakuyaga luseke lwa ngano akabalilo kosa iyene yikwima. Uko kutalusya? Kangi linga u mundu naloliloli apapigwe mwa Mbepo gwa Kyala, umwene akayamo nkati na panja, nu kugomokela mma nu kubuka, kangi panja pala nkisu na panja apa. Umma, nkulumba. Umma, umma. Ugwe ukaya gwa ndulwe ilisiku limo kangi imbeyu ya ngano ilisiku ilinine. Kyala akaya nakyo ikyo mu ngunda. Ena, nkulumba. Linga ugwe upāpīgwe ukufuma mwa Mbepo gwa Kyala, ugwe gwe Nkristi ukufuma akabalilo kala mpaka i . . . mpaka ugwe kusōkapo, kangi polelo ugwe gwe—ugwe uli nsitakufwa, na Kyala. Uko ko kutalusya, linga ugwe uli mu Kipanga.

⁴⁰ Lilino, lilino unko uswe tuyobe isya lubafu lwa bufwe. Lilino, bulebule u mundu mbuyilo bula, nkayilo ka luko lula, abagilemo ukuya mbine? Panongwa yakuti u mbili gwako gukatabuligwa tasi mma. U mbili gwako gukatabuligwa. Kali bo bwingu buki, uli nnu bulebule ugwe, kangi gwabwikemo bulebule, kangi mwikemo bulebule, kangi bo bwingi bulebule bwa Mbepo Mwikemo, ugo go gwene u moyo gwako. Kangi umoyo gwāko gukamalisigwe tāsi. Ugwene go itolo guli nu

Lusayo, ulufingo lwa Kyala, iki kyo kikoleléla-ngāni kya bupoki bwitu. Lōli lilino linga uswe tkaya nukukoleléla-ngāni kwa busyūke bwitu, nabumo nu bubūmbulúsyo Bwakyala, polelo une ndisakuyamo nu busisimikisi pamo nakimo ukusisimikisya kwa une ukuti bulipo u busyūke.

⁴¹ Itolo bo linga Kristi atikwitugasya mu ndumbula yangu, linga une ngufimbilisigwa ukwegā ikyene ukufuma mu luko lumo lwa i–i kindu kyamminogono kunyuma kula, ngufimbilisigwa ukwitika kubuyobumo bo kula, mulimosa, polelo une—une—une angali nguyaga panini gwakwilamwa isya ikyene. Kangi iyo yo nongwa, kula ku Afrika, akabalilo kako abene bikwisa, apa ba misyoni bikwisa, bikutwala amaelifu gwa bala abenekisu, kangi abene bapimbaga utunini utwaiyolo utufwani twa mufu na filifyosa ifingi, yo panongwa yakuti abene bapilike itolo ulubafu lwaminogono lwa i Bāngeli. Uko ko kutalusya. Kangi ikipanga kyangu nimwene kyo Baptisti, Methodisti, Presbeteri, bosa aba babukile nkati mula. Loli akabalilo kako abene baketile amaka ga Kyala gikwisa mu bonekesyo, kila kilinkumasya ikyene, abene bamenye polelo ukuti Kyala āli Kyala.

⁴² Lōli, lilino, kyo fiki kikwānda ububine ubu? Lilino, ikindu kyakwanda, ikyene kyo mbepo bo ikyene kikāli ukuya mbungo, itolo mūmo ugwe gwāli mbepo bo ugwe ukāli ukuya mūndu. Lilino une ngwēgāga u Nkundwe Willet apa ukuya kyakwēgeléla. Nkundwe Willet, une. . . Kālipo akabalilo kākō ugwe na une ngāli nakimo. Kangi polelo ikindu kyakwanda, Kyala aatupele uswe u bumi. Kangi unko uswe twege, tutigi, linga une negege umbili gwako pāsi pamusi apa, ugwe gutendekigwe ukufuma ku kipambo kya tumbakasya, gakoleligwe palikimo na ma atomu. Kangi lilino, ilisiku limo ama atomu gala gisakonangigwa, linga Yeso ikukabila. Ugwe kwisakukīndililāga ukugomokéla. Agēne itolo gisakuyaga bo mūmo agēne gāli ku bwāndilo, ukugomokéla mu mbepo. Lōli akabalilo kākō u mbepo gwāko ikugomokela, ama atomu gala gisakubūngāna palikimo nu mbepo uyu nu kutwala panja uyungi Nkundwe Willet itolo bo yumo yula, itolo nkekepo, akabalilo kako umwene ali pa bwake ubununu-ukukinda.

⁴³ Akabalilo kako unnyambala ikwisa ukukilania pa fyinja malongo-mabili-na-fihano mbukusi, umwene ikusyaga inginya innandi pāsi pa maso gake, kangi simi inywili syambuha sikwisamo mula. Ikyene kikuya pakuya, panongwa yakuti ubufwe bukukongesya ugwe. Kangi limo mwa masiku aga ubwēne bwisakukwēgāga ugwe. Kali gwe ywani uyu ugwe guli, ubwēne bwisakukwēgāga ugwe. Loli ikyene panandipanandi. . . Ugwe kwisakwaga mu nguto apa, kangi Kyala isakukusōsyaga ugwe ukufuma ku nguto yila, kangi ugwe kufika pa nguto iyi *apa*, ubufwe bwisakuya kifuki na ugwe, kangi ukukilania apa, loli ukukindapo akabalilo ubwene bwisakukwagaga ugwe.

Loli polelo, fiki ubufwe bubagile ukubomba, ubwene bukwega ubutamie bwake bosa, kangi polelo ku... akabalilo kako ubwene bubobile fyosa ifi ubwene bubagile ukubomba... Akabalilo kako Kyala akupele ugwe u bumi ubu, kangi ugwe gwali mbununu bwako bosa, ukufwana malongo-mabili-na-fitatu, akabalilo kako ugwe kwisa mu busyuke ugwe kwisakugomokela itolo katikati mūmo ugwe gwali akabalilo kako ugwe gwali ni fyiya malongo-mabili-na-fitatu mbukusi, malongo-mabili-na-fihano, bo u bufwe bukali ukwingila mula. Ubufwe bwisakuyaga na kilikyosa iki ubwene bubagile ukubomba. Ubwene bwalitūgésye nkati mula, lōli ugwe kwisa itolo ukugomokela mu njila ugwe gwali.

⁴⁴ Lilino, linga kalilkosa ka syako—syako akambakasya mu mbili gwako, unko uswe twegele icyene pāsi lilino, ugwe isaga kambakasya ukufuma kambakasya, kambakasya ukufuma ka mbakasya, nukugulambalika ugwe apa pa kigemo, ukufuma kalikosa akambakasya mu mbili gwako, ugwe kwisakwisaga pasi ku kamokene akanini akaseke kuko ugwe gwalyāndile, kakabagila ukuketigwa ni kisige kyakipeligwa. Ugwe kufimbilisigwa ukukēta pāsi pa mandalasi ga kuketelapo. Une nkibwēne imbeyu ya būmi pāsi pa fyakulaketelapo. Akene kakuboneka ngati kanini kanandu akagoye. Kangi ikindu kyakwanda kikwanda kyo mulamula mu nyuma, icyene kikufwana akapinye akanini. Ako ko icyakwanda akanini akambakasya kakwilundika pa mwanya pa kambakasya.

⁴⁵ Lilino, linga une nafimbilisigwaga ukwega kala kamokene pakene akanini akambakasya aka aligwesa gwa umwene afumileko, kamokene akanini akanangi akambakasya, imbeyu... Ngimba yo fiki i mbeyu? Imbeyu yo kanini kanandi, akanini-ukukinda ka kambakasya. Ena, kyo fiki ukufuma apo? Lilino, une nguswanyulenie ugwe pasi ukufuma ku kapatu kalikosa ka ugwe, ukusuluka ku kamokene aka akambakasya akanini, kangi une ngakwaga ugwe tāsi mma. Une itolo ntwaigile utumbakasya twako tulambalikigwe panja. Mulimosa, polelo, ikindu icyakukinga, imbakasya sya lilopa, kangi imbakasya sya nnofu, kangi kilikyosa ifyene fili, ukufilambalika fyosa banja apa, loli une ngali ngakwaga ugwe tasi. Lilino, une ndi pāsi ku luseke lumolwene lilino. Mulimosa, une nisakuswanyulania akambakasya kala akanini. Lilino, ulu kugu ugwe? U būmi bwako. Kangi u būmi bukutēndēka akambakasya kakwānda, iki kyo luseke, polelo kilikyōsa ukufuma ku kipeligwa kyāke; mbwa ukufuma ku mbwa, njuni ukufuma ku njuni, nnyambala ukufuma ku nnyambala. Imbakasya syakukula, mbakasya pa mbakasya, mbakasya pa mbakasya, sikwisapo pala kūko ugwe guli, mundu unjepo, ukukula kwa mbakasya. Lilino, kula kwābikigwe na Kyala ukuya lūlo.

⁴⁶ Loli, lilino, bule u kansa? Unko uswe tuyobe isya umwene panandi. Lilino, Kyala akupele ugwe u būmi bwako. Kangi

yoba, apa ugwe uli umwisyugu, apa une ndipo, kikayapo nakimo pa kiboko kyangu, loli pabagile ukuyapo u kansa pa kiboko kyangu akabalilo kamo. Ena, ngimba u kansa yula āfikile bulebule pala? Unko uswe tukéte iki u kansa yula ali, lilino unko uswe tumwege umwene ukupagulania, unko uswe tumwege umwene. Lilino, umwene yo kipambo kya mbakasya, yōpe. Ngimba umwe mwamenye ikyo? Lyulu, magengelemia mmaso, filifyosa fya findu ifyo fyo mbakasya. Ifyene fikaya nu luko nalumo. Fimo mwa fyene fikubalanila, kangi fimo fikuboneka ngati búbi, kangi fimo fikuboneka...fikubopa ubung’wale, u kansa unkesefu, itolo ngati ingoye indali ingesefu isi sikubopa ukukinda mu i...Kangi polelo alipo u kansa gwaliliba yu akabalilo kingi ikwisa pa libele lya nkikulu, umwene ikufwana fisyese ifikalange filambalele pamwanya pa kimo pa kinine, kangi ifyene fikubuka ukubala panja. Kangi ifyene itolo fikukula kulikosa.

⁴⁷ Utubalilo tumo amulu ga kansa gikusendemala, injila *iyi*, kitali, bo lifumbi, na filifyosa. Ifyene fikaya nu luko, panongwa ifyene fikukonga u mbepo yu akaya nu lukoy. Loli ikylene kyo kukula kwa mbakasya. Ikyene kyo kilundiko kya mbakasya isi, tutigi, mwa ugwe lululu lilino lyo lyulu pamo u kansa, ikylene kyo kukula kwa mbakasya, kikukula, kikukula, kikukula. Ugwene gukulya, ukufipa ubumi bwako ukufuma kwa ugwe. Ugwene gukuya nu bumi pa lusoko lwa lilopa. Amagengelemia ga mmaso gikwega amapungo ga kisige nukukula palapala pamwanya pa agene, ikwiyigalila mwene pamwanya, ikwigala ikisige kyako. Fimo mwa fyene fikwisa kangi fikafikamo siku... bo yu tibi, aba ikwisa itolo nkaséke kanini. Kikayako nakimo ku bunywamu bwa iyene. Ubunywamu bulabula bwa luseke lukupela ingalamu, lukupela i–i mbani. Muketile? Nakimo ku bunywamu bwa luseke.

⁴⁸ Kangi fimo mwa fyene fikwega ububumbe bwa mbili, fimo fitikubombamo siku. Kangi fimo fitikubukamo siku mu mbakasya. Fimo fikwisa ukuya mbepo, fikip’ubutolwe u moyo. Uswe tukugelaga ukwega ikiyabo kila, une ngukilekaga ikiyabo kila kuli kilabo pamusi, linga une mbagile, kuko u mbepo-moyo yula ikwisa, kangi na mumo pási kúsi *apa*.

⁴⁹ Kangi lilino, binangu, une ndikuyoba iki ukufuma mu luko lumo lwa kibala-minogono. Une mbobilemo ni misyetano ku fyinja, kangi umwe mumenye ikyo. Linga itolo umwe mwamenye ikindu, ukufuma pa mbonbelo simalike pa kilo, iki kikubombigwe utubalilo tumo. Umwe mukamanya. Kumbukilaga, akabalilo kako ugwe kwisa ukulwana ni mbepo, ugwe kinunupo umanye iki ugwe kuyobelapo. Komma itolo ukwima pala nu kwiyegelela nkyeni, panongwa yakuti ikylene kitikubomba ubununu bulibosa. Loli akabalilo kako naloliloli ilisyétano likufimobilisigwa ukupilikila ugwe, umwene isakukyāgania ikylene. Ikyene kikaya gwanjwego bulebule ugwe

kuywega, icyene kikaya go mafuta mingi nki ugwe kubikapo. Icyene kyo iki kunyuma apa iki umwene isakusyaganiaga, u Bwanaloli. Yeso itolo äyobîle ku mwene, “Soka panja.”

⁵⁰ Kumbukilaga, abafundigwa bafumile pakubaya nu kutyonga, nukugela ukunkagila umwene panja, na filifyosa. Abène balinkuti, “Nongwa ya fiki uswe tukābagîle ukunsōsya umwēne pānja?”

Alinkuti, “Panongwa yakuti, ubusitalwitiko lwinu.”

⁵¹ Alinkuti, “Sokamo ukufuma mwa mwene.” Undumiana ägwîle kangi äli ni kisilisi ikinywamu ukukinda fyosa iki umwene älimo nakyo siku. Muketile? Muketile? Ifyene filinkwagania ubulagili.

⁵² Keta ku balumiana bala pāsi pala, bala abendendeki babo balimbwene Pauli ikukagila panja imisyétano. Abène balinkuti, “Uswe tubagîle ukubōmba ikindu kilakila,” abānabalumiána ba mpūti yumo. Polelo abène bikusuluka nukuyoba, “Uswe tubagîle ukutāgila panja imisyétáno.” Imbombo 19. Abene balinkubuka ukusuluka ku mundu yumo äli nu kusilika kwa fisilisi, nukuti, “Uswe tukukufimibilisya ugwe, ukwisila mwa Yeso. Sōkāmo mwa umwene . . .” U mōhési äyobîle, “Lilino . . .” “. . . mu Ngamu ya Yeso, Yūyo Pauli ikulūmbilīla!”

⁵³ U mōhési alinkuti, “Lilino, une nummenye Yeso kangi une nummenye Pauli, loli ngimba ugwe gwe ywani?” Ugwe umenye iki kyābonīke. Alinkunyela pa nnyambala, ukuswanyulania imyenda gyabo, kangi abene balinkuya ni fisilisi bene, nukubopa panja mu lukindi.

⁵⁴ Gila gilafila imisyétano myumi umwisyugu, popapo kilipo ikilundiko kya figili. Iki kyo kipanga, aga go mayolo. Kilipo ikilundiko kya figili nkisu umwisyugu, fikukoleligwe lubumbulusyo Lwabunyakyala, ulu lukulondigwa ukwigaliligwa. Ikyo kyo iki kikutwala ikikosyasoni pa Nongwa yanaloliloli. Iyo yo nongwa ugwe uli nu luko lwa busukulike ubukafu. Filipino ifindu fingi ifi fikukōlelīgwa bwīpūti, umwisyugu, ifi fibagîle ukwīgāligwa. [Ubuyo busitakandu pa tepi—Nsimbī.] Nafimo loli bwiputiputi! Ikyo kyo kikupela i Kipanga icyabwanaloli kya Kyala ukuya nu luko lumo ulwakusukulika ukukafu ni kyene. Loli uswe twe Amerika, muketile, iyo yo njila ukuya. Kyala ikuyoba ingano nu lusangani ni mitulwatula fyakulilaga palikimo. Komma ukugela ukunyukula ifyene. Fileka ifyene fikulilege palikimo, loli ni seke syabo ugwe ufimanyege ifyene. Kukayapo ni seke, fiki, bukayapo u Būmi, kikayapo nakimo pala.

⁵⁵ Lilino, ketesya imbakasya iyi. Unko uswe tutigi, ku kwegelela itolo, ngati utubalilo twingi, u kansa unkesefu utubalilo twingi ikutika mu kyakupāpila kya nkikulu, ubukuyubuligwe bwa kikikulu na fyosa bo ifyo. Lilino ikyo,

unko uswe twêge ikyo, u mwinitu yula pâsi lilino, pa kapatu kâke, uyu—uyu kansa. Lilino u kansa . . .

⁵⁶ Kilikyosa mu nkipeligwa fikwimilila fyamwambepo. Ngimba umwe mumenye ikyo? Kilikyosa mu kipeligwa kikwimilila i kyamwambepo, mulimosa.

⁵⁷ Ukwêgeléla itolo, bo ulu, akabalilo kâko—akabalilo kâko uswe tukupâpigwa mu Mbili gwa Kristi, filipo ifipatu fitatu ikyene kikwega ukutwala u Bupâpigwe bwitu. Kangi ikyo kyo mbakasya itatu isi syasôkîle ukufuma ku bûmi bwa Kristi akabalilo kâko Umwêne âfwîle. Pala palinkufuma mu mbili Gwake, amisi, Ililopa, Mbepo. Ngimba uko kutalusya? Tumbakasya tutatu, ikyo kyo tumbakasya uswe tukubûka ukukînda akabalilo kâko uswe tupâpigwe kangi: ukwitikisígwa, ukukemesígwe, lôsyô lwa Mbepo Mwikemo. Lilino, ikyo kibagile ukuya mu mbombo yimoyêne. Lôli ikyêne kikwêga . . . Lôli ugwe ubagile ukuya mu kayilo kakwitikisigwa kisita kuya nkemesígwe. Ugwe ubagile ukwitika pa Ntwa Yeso Kristi kangi pôpe ubupimba ifinyanyasi fyako na ugwe. Loli ugwe ubagile naloliloli ukwitugala mu fyosa-fibili u bûmi bwakwitikisigwa kangi ubwifyusi ubukemesigwe, kangi kisita Mbepo Mwikemo. Muketile, i Bângéli, Gwâkwânda Yohani 5:7, alinkuti, “Filipo fitatu ifi fibikígwe ubuketi ku Mwanya, u Tâta, Mwanundumiana, kangi Mbepo Mwikemo, kangi . . . Tâta, Lisyu, kangi Mbepo Mwikemo,” uyu yo âli Mwanundumiana, “kangi batatu aba bali yumo. Kangi filipo fitatu ifi fibikígwe ubuketi nkîsu, a mîsi, i Lilopa, na Mbepo, kangi abêne bikwitikisania mwa yumo.” Komma yumo, lôli ukwitikisania mwa yumo. Ugwe ukabagîla ukuya na Tâta kisita kuya nu Mwanundumiana; ugwe ukabagila ukuya nu Mwanundumiana kisita kuya na Mbepo Mwikemo, kabuno abene bali basitakutafulania, yumoywene. Ubutatu buli mwa yumoywene.

⁵⁸ Une ndikukupilika ikyene ukusyungutila apa, loli ugwe kupilika fifingi ukukilania nkisu, kimo mwa findu ifikulumba fiyo mu fibugutila fya Pentekosti, ko kufulugania mu kila kimokyene ikindu ikipepe. Kangi une nâli ni mitu gyâbo palapala palikimo nukusisimikisya ku bêne abene bosa-babili bikwitika ikindu kilakila. Umwêne yo môhési pakati pa bêne, ikyo kyo kyôsa. Linga ikipanga ikikulumba ikya Pentekosti kyâbagile u- . . . taga pâsi tula utunini, utwaiyolo utulwiho kangi kwibûngania bene palikimo mu kimokyene ikisaiyigwa i Kipanga kya Kyala, u Kunyakiligwa kukwisaga. Loli akabalilo kosa Setano abagiile ukubakyunga abene ukubongotoligwa, umma ndaga. Iyo yo njila yake iyakubombela ikyene. Kangi abene naloliloli bikwitika ikindu kilakila.

Yumo ikuyoba, “Ena, *iki* yo Kila.”

⁵⁹ Une ndinkuti, “Ena, linga *iki* kyo Kila, polelo Ikyo kyo *iki*.” Polelo mwaketa lelo umwe. Polelo, ikyene kyo kindu kilakila.

Loli mwaketa lelo umwe, mu bula butatu bwa butatu bwa Kyala. Lilino, lilino, Kyala mu bu bumobwene Bwake. Kyala u Tāta, Mwanundumiana, na Mbepo Mwikemo. Lilino, uswe tutikuyoba “abakyaala bitu,” ngati biputafifwani. Ikyene kyo “Kyala gwitu.” Muketile? Ikyene ko bwabutatu Kuyapo kwa Kyala.

⁶⁰ Lilino kētésya, lilino, Sētáno ali mu butátu yōpe. Kangi a maka gāke gali mbutatu.

⁶¹ Lilino, lōli kētésya polelo akabalilo kāko amīsi, i Lilopa nu Mbepo ikutwāla u Bupāpīgwe ubupya. Ngimba uko kutalusya? Lilino kētésya. Ikyo kyo iki kikwīmīla u Bupāpīgwe ubupya. Kyo fiki kikwimilila ubupāpigwe bwakipeligwa bu bukāli u Bupāpigwe ubupya ukwisa? Akabalilo kako . . . Umwe bamāma, akabalilo kāko u mwāna apāpīgwe, ngimba ikindu kyakwanda kyo fiki? Misi. Ikyakukōnga, ililopa. Ikyakukōnga, muketile, ikyo kikupela u būmi, muketile, kikutēndēka u mūndu. Amisi, ililopa, mbepo.

⁶² Lilino, u kansa, unko uswe tubombe pa mwene ku kinine ikyakukonga, uswe tuli nago amaminiti mahano aga gasyele, une ngusakikisya, kifuki maminiti mahano aga gikwīsa, unko uswe tubōmbéle pa kansa. Ngimba u mwinitu yula yo fiki? Ngimba umwene ikwimilila fiki? Umwene yo nsalakubutagilo. Umwēne ikwīmīlīla ilinyōmbo, ikulya ifindu ififwe. Kangu u kansa ikwisa ukufuma u lukuyubuligwe, fiyofiyo, kuko a kamabakasya katikigwe kangi akene—akene kakubongotoka mosa. Kangi akambakasya akanini nkati mula kakwisa ukugomokela nyuma. O, ilyo lyo lisyu ilinywamu ku baBaptisti, bule? Umma ndaga, loli akene kakugomokela nyuma, akambakasya kala. Une ne gwa kiBaptisti uyu ikwitika mu kugomokela nyuma.

⁶³ Yumo āyobīle, pāsi apa mu lukomano lwa Arkansas ilisiku limo, alinkuti, “Nkundwe Branham,” alinkuti . . . Umwene āli mwinitu gwa kiNazarene. Umwene āfumile pakubumbulusigwa. Umwene āli ni fyāke . . . Ikubuka ukwakwenda itolo ukukilania nkaya, ni ngili-syakwendela syake pa kibega kyake. Umwene alinkuti, “Ugwe umenye fiki?” Alinkuti, “Akabalilo kako une akākwanda ukwisa apa,” alinkuti, “Une—une ninogonaga ugwe . . . nāpīlīke ugwe kulumbilīla, Une ndinkwinogona ugwe gwāli gwa Nazarene.” Umwene alinkuti, “Polelo une ngetile abandu bingi aba kiPentekosti, kangi umunduyumo aalimbulile une ugwe gwaali mPentekosti. Kangi lilino ugwe kuyoba ugwe uli gwa Baptisti.” Alinkuti, “Une ndikukupilikisya ikyene.”

⁶⁴ Une ndinkuti, “O, ikyo kyo kipepe.” Une ndinkuti, “Une ne gwa kiPentekosti kiNazarene kiBaptisti.” Polelo ikyo kyo—ikyo kyo kutalusya. Umma ndaga. Umma, uswe tuli yumo mwa Kristi Yeso, ukwisila mwa Mbepo Mwikemo ikutupelaga uswe ukuya yumoywene. Uko ko kutalusya.

⁶⁵ Lilino, ketesya, akambakasya akanini aka kakugomokela nyuma akabalilo akene kakuyubuligwe. Akene kakwanda

kanini. Utuseke utunini utungi tukubopela panja ukupa utubumi twabo nkati mula. Kangi ago go iki amafila gikwisa mula nkilonda. Balipo abanini abanandi abasikali bikukulwila ubumi bwako. Abène bikubōpa ukufyūka mmwanya pala kangi—kangi ukutika u mwāfi gula, amaka gala gamisyétano aga gikugela—gikugela ukwibungania nkati mula, nukupa imyoyo gyabo. Ikyo kyo iki kikapela . . . Ikyo kyo . . . Abene bo kipambo kya basikali banini abafwano, amafila gala aga gali mu lilopa lyako . . . aga gali mu i—mu ikilonda, aga gikupa ubumi bwabo ukukupoka ubwako.

⁶⁶ Lilino, akabalilo kako akambakasya akanini kakupīka nkati mula kangi ilisyétano ili likwiyāndisya, umwene ikwanda ukukula, umwene ikwanda ukubasania imbakasya. Umwēne ikuyenga u mbili katikati itolo bo mūmo a bāna bāko bikwānda mūnda, kangi mūmo ugwe gwābōmbelāga mwa māma gwāko. Mbakasya pa mwanya pa mbakasya, mbakasya pa mwanya pa mbakasya, mbakasya pa, muli mosa, kulikosa; itolo, abène bakaya nu luko lwa nakimo bo mūndu, ukufuma pa kipelígwa kyāke. Ikyene kyo itolo ukufuma ku mbepo. Ikyene itolo kikukula muli mosa, kangi kisakwanda mbakasya pa mwanya pa mbakasya, mbakasya pa mwanya pa mbakasya.

⁶⁷ Kangi lilino, ikindu kyakwanda umwe mumenye, ugwe kwandaga ukuya monywa nukwipilika mbine. Ugwe kubuka ku ngānga kangi umwene isakukufunda ugwe. Lumo umwene akabagila ukukyāga ikyene. Linga umwēne ikubōmba, lumo umwēne isakutumula ikyēne. Linga umwēne abagile ukutumula ikyēne ukusōsyapo, umma ndaga, umwēne alinakyo ikyēne. Loli linga umwene akabagila ukutumula ikyene ukusōsyapo, polelo linga ikyene kili mu mmilo pamo kubuyobumo kūko ikyene kikabagila ukutumuligwa kyōsa, akapatu kanini kamokene ka ikyene kisakuyaga kyumo nukukindilila. Muketile, panongwa yakuti ikyene kikabomba mma, ngati ugwe gwabagile ukutumula ikiboko kyako nukumasya ikyene, pamo kalikosa, pamo ugwe kutumulania . . . Iki une ngusanusya, linga ugwe kutumulaga umbili unnywamu ukwisa, nukuleka ikiboko kyako kula, fiki, ugwene gutisa kuya nu bumi. Loli—loli, muketile, ikyo kikaya nu luko lwa bumi ngati ugwe uli nabo. Ikyene go maka ga misyétano gikwenda.

⁶⁸ Kangi lilino ketesya, umwe mukubakolela abene, u dokotala ikukikolela ikyene, u “kansa.” Kyala ikukikolela ikyene u “sétano.” Kéta umwisyugu. Abene balinkukipa itolo ikyene . . . Ngimba ko kugu kūko i lisyu lya *kansa* lifumileko? Ilyene likufumila ku . . . ukufuma ku lisyu lya kiLatini ili likubombeligwa mu masyu gabakipatala, ukusanusya i “ngala,” i ngala iyi umwe mukuyibona mula mu filoboko fya nyanja, yili na malundi gosa gala. Iyo yo njila iyi—iyi ikyene kikubombela, ikyene kikufikila panja, kikubalanila panja. Ilisyu kansa yo “ngala.” Kangi ikyene kikwingila nkati kangi kikumilisyu

itolo ukukamata nukufipa ililopa bo ikylene kikubuka, bo yo okotopasi pamo ikindukimo. Fiki, ilyulu, inyanga, ni mbungo isingi, kilikyosa kya ifyene kikufumila ku mbeyu, kangi uluseke lula lukufimbilisigwa ukuya mbili. Kangi bo ilyène likabagile ukuya mbili, ilyène likufimbilisigwa ukuya bûmi. Bo ikylene kikâli ukupela pamo—pamo ukumela nukupela imbakasya syakongelelapo, ikylene kikufimbilisigwa ukuya nu bumi. Ikyo kutalusya? Lilino, ko kugu u kansa yula âfumileko? Ywani, ko kugu kûko kila kyâfumileko? Ikyene kikâli pa ugwe apa akabalilo kamo aka kakindilepo, loli lilino lumo ikylene kili pa ugwe. Ngimba ikylene kyâfumile kugu? Ikyene kyo bumi ubungi ukukindana ukufuma ku bumi bwako, kikwitugasyaga mwa ugwe. Kangi ikylene kyo butolwe, ukufipa ubûmi bwâko. Iyo yo nongwa Yeso âlinkôlile umwêne “u môhési.”

⁶⁹ Abene bikufikolela ifisilisi umwisyugu, abene bikuyoba, “ifisilisi.” Fiki, ifisilisi, mu li Bangeli, Yeso alinkukikolela ikylene “sétano.” Akabalilo kako unnyambala ikwisa nu ndumiana uyu âgwilile pa mfu, nukutotofula ku kanwa, na filifyosa, umwene alinkuti, “Umwene ali ni lisyétano, kangi akabalilo kingi umwene ikunsopa umwene mu moto, mmisi.”

⁷⁰ Lilino abene bapuputile ingamu yake mosa kangi bikukolela ikylene fisilisi, loli umwene yo lisyétano. Kangi Yeso alinkuti, “Ugwe setano, sokamo mwa mwana!” Katikati. Lilino, ifisilisi fyo bwila fikutendeka ukufuma ku lutamyô lwa lufigo. Lumo umwe mukufikaga mu ikyo pisapo panini. Muketile? Ikyene kikupela i kisilisi, ukufuma ku fyamatûsi.

⁷¹ Lilino, kêtésya mu iki, polelo imbakâsya yila yitugesye pala, iyène yo môhési. Umwene ikuyenga u bumi; umwene ikukula, ukuya nkulumbapo kangi nkulumbapo. Umwene ali ni mbombo yimoyene iyakubomba, iyo yo, ukwega ubumi bwako. Ikyo kyo iki môhési alintumile umwene, ukutumula amasiku gako gaye mapimbapo pa malongo mahano na limo kangi kalongo.

⁷² Lilino, une nguyindika u ngânga aligwesa. Ena, nkulumba. Sayansi gwa mikota aligwesa, Kyala abasaye abene panongwa ya butuli ubu abene babombile ku bandu. Uko ko kutalusya. Ngimba angali ugwe kubombaga fiki nkisu umwisyugu kisita ikylene? Une ngupalisya Kyala panongwa ya bumang’anyi bwa mikota. Une ngupalisya Kyala panongwa ya ligâli lyângu. Linga Kyala akalitikisye sayansi ukundendekela une iligali, une angali nguya nakabalilo akakafu ukwenda ukwisa kuno. Panongwa ya muli sya magesi, kangi panongwa ya sopo ukusukila amaboko nayo, kangi ilitapa-lyammino ukugûsila amino gangu nalyo, naloliloli. Une ngupalisya Umwene panongwa ya kilikyosa, panongwa yakuti ifindu fyosa ifinunu fifumile kwa Kyala.

⁷³ Loli unko une mbabule umwe, kakayapo na kapatu kamokene ka nkota aka kabumbulwisyemo siku ububine bulibosa. Kangi akayapo ungânga na yumoywene, pene papo

umwe yo nsyobi yumo, loli u ngānga gwabwanaloli isakukubula ugwe ukuti abēne batikwiyobela ukuya babumbulusi. Kunokuko ku Mayo Brothers, bingi ba umwe... Une nangelemo na malalusyo kula, kabili pamo katatu. Isya babine aba bālisile ukufuma kula, ababagilakubumbuluka... Umwe bala *Reader's Digest*, ubufumusyē bwa Novembala? Balinga babalile ubufumusyē bwa Novembala, akapango kala ka une nkati mula, pa *Reader's Digest*? Muketile? Kangi abene bāli na une pamwanya pala, mbwangalo-bwamalalusyo isya mwana abene batoligwe. Balinkuti, “Akene kakabagile ukubombigwa.” Loli u Mbepo Mwikemo aayobile kwa une nukumbula une mumo ikyene kikubombeligwaga, kangi ikyene kyabombigwe. Umma ndaga. Lilino, abene bālingōlile une pamwanya pala. Kangi palapala pamwanya pa kifigo kũko Jimmy na bene, Mayo alisibile ukuyako kula, kilipo ikikulumba ikinywamu ikimanyilo kiyobile, “Uswe tutikufumuya ukuya babumbulusi. Uswe popene tukwikolela ukutũla ubupeligwa. Alipo yumoywene u Mbumbulusi yumoywene, uyu yo Kyala.” Abēne bo banunu ukukĩnda nkĩsu. Lilino, uswe tuli nabo abasyobi banandi, ena. Uko ko kotalusya. Uswe tuli nu balumbilili bamo abasyobi, bōpe. Umma ndaga. Polelo, ikyo kikukindilila pa mbafu syosa ibili.

⁷⁴ Ketesya, loli umundu aligwesa uyu ikwiyobela ukuti umwene yo mbumbulusi, umwene yo njoba-tupango, panongwa yakuti umwene akabagila ukubomba ikyene. Kabuno i Bangeli lyaayobile, “Une ne Ntwa Uyu ikuswa imbibi syako syosa nukubumbulusi imbungo syako syosa.”

⁷⁵ Une mbukileko ku fyakufunda. Kangi nkyumba kyangu, i... bamo mwa bagānga abanunu-ukukinda ukukilania ikisu bisile. Umwe mumenye inyuma ya bumi, mwinangu, ukuma iki kyāliko, ni findu une ndikufiyoba pa bwelu mma. Abanyambala bikwisa kusofu. Kangi ngimba umwe mutikwinogona bakayapo ikilundiko kya baNikodemu tāsi nkisu; ikyene nalilo kili, baelimo ba abene. Abēne bikukēta pa ikyo kangi ukwisa mu lukomano. Ukwitugasya pala ni T-shati afwele, ikindukimo ikingi bo ikyo, ni ngamu imbuputigwe isi ugwe angali kuswiga, ukwitugasya mulamula mu lukomano. Mmasiku amanini ukwibilila ukusyungutila nukukolela nkati mula kusofu, nukutuma umundu yumo mula ukuti twangale. Kangi yoba lululu lilino, yoba, “Nkundwe Branham, une ngwitika Ikyo kyo Bwanaloli.” Abene bo bandu itolo lulalula mumo uswe tuyilile. Naloli. Kangi u mündu aligwesa ikunyonywa ukukēta ukukinda ikikĩngo ikya ngĩsi pala umwēne ikufimbilisigwa ukwēndelāmo ilisiku limo.

⁷⁶ Loli aba kansa bala ni findu ifi fyo naloliloli misyētano fibumbigwe mu mbili gwa nyofu, fikwendendeka, fikwega ubumi bwako.

⁷⁷ Lilino, linga une mbagile ukubomba bo yu nganga, linga une nabagile ukutumula ikyene, ukukibika ikyene pa mfu... Pamo, itolo ngati, tuyobe, ukwegelela itolo, ugwe gwali kansa, gwimwene, pa kisu iki. Lilino, apa bulipo u bubumbulusyo Bwakyala. Linga une nalondaga ukusosyapo ugwe mu njila ya nganga, une angali itolo ngukyunga... ngufimbilisigwaga ukugusa umbili gwako, pamo ikindikimo ikingi, mpaka ikyene itolo kikuyonga ukusokapo pa kisu. Pala angali patikuyapo nakamo kangi mma ka ikyene, itolo ngati u nganga ukwegela ikyakumela ukufuma mwa ugwe. Loli mbubumbigwe bwa bubumbulusyo Bwakyala, linga ugwe gwaali kansa, une angali ngukolela itolo ubumi bwako ukufuma mwa ugwe, kangu ugwe gwakindililaga. Ubumi bwako bukukulekaga ugwe, loli umbili gwako gwisakuyaga apa itolo mumo ugwene gwaali.

⁷⁸ Lilino, apo po papo ukuketa na kabalilo yo ndugu umbibi-fiyu gwa Kyala mu bubumbulusyo Bwakyala. Une ngamanya kali u Nkundwe Baxter ikwisamo siku ku findu ifi mu ngomano. Une ngwitugasya pasi, nalingenie ikyene ku mwene kangu Nkundwe Bosworth, ukwandisya ku kwandisya. Loli apa kilipo iki kyabonike. Une ngwilamwa kali bingi ba bandu bakupilikisya ikyene, panongwa yakuti, ukukindapo akabalilo, ugwe kwanda ukwaga abandu bikugomokela, bikuyoba, "Une naali nu bubumbulusyo bwangu, Nkundwe Branham, pa masiku mabili pamo matatu, loli, saya Kyala, ikyene—ikyene kindekile une." Kangu une ngukyaga ikyene, kangu une ngwinogona ikyene kyo nongwa yakuti abene batikutwala ulukomano ulutalusye. Abandu batikupilikisya. Une nali na banyambala ukwisa pa kigemo nukuya bafwamaso losa, abakansa, pamo inyanga pa maso gabo, nukubala i Bängeli ili ukufuma pakwiputiligwa, ukusuluka pasi; mmasiku matatu pamo mana bayege itolo mfwamaso mumo abene bali mbuyo bwakwanda. Kyabonike kyo fiki? Aligwesa amenye ukuti akabalilo kako ubumi busokilemo mu nyofu guligosa, ugwene gukukoka ku kabalilo kamo. Ngimba ikyo kutalusya?

⁷⁹ Aligwesa siku, apa, agogilemo imbabala, pamo ing'ombe, pamo kalikosa bo ako? Naloli. Umma ndaga. Ugwe gel'ubusito ikyene ikilo iki, umwe bafwimi panja apa, binangu ba une. Umwe mwisa i mbabala nukunsopa umwene pa lugelelo, babula abalumiana mumo umwene nsito bulele. Ketesya pala! Ndubunju umwene ikuyaga mapaunderi mingipo mpepukeko ukukinda mumo umwene ayiliile. Akabalilo kako u muntu ikufwa, u ntendeka-mifimba, i kindu kyakwanda, ikwega amino amasyobi pamo i kisige, kilikyosa ikyene iki kili mula, ikusosyamo ikyene; panongwa yakuti, ugwene gukoka, ikyene kisakuguta panja panongwa yakuti umbili gwamundu gukoka. Guligosa u nyofu ugungi gukoka. Akabalilo kako ubumi gusokilemo mu mbakasya, iyene yikwanda ukubuka pasi, ukoka. Ikyene kisakubombaga ikyo ukufwana isala malongo-

mahano-na-mabili-na-sibili. Kangi polelo ikylene kisakwāndága ukwisula. Unko akabwa akanini katyekigwe pamwanya, panja apa pa nsebwe. Ndeke umwēne alāmbaléle pala mu lisuba ku masiku matatu, kangi kētésya iki kyāboníke. Umwēne yo mbwa nywamupo ukukinda mūmo umwēne āyīlémo siku. Iyēne yikwisula. Ngimba uko kutalusya?

⁸⁰ Ena, ikyo kyo kindu kilakila kikuboneka pa buyo akabalilo kāko i–i lisyétano lisosígwe ukufuma mu mūndu umbine. Amasiku manandi gakwanda, “O, une ngwipilika kanunu.” Polelo ndinkwanda ukuyoba, “Une ndi—une ndi mbinepo ukukinda mumo une—ukukinda mumo une nayililemo siku bwila. Une ndagile ulubumbulusyo lwangu.” Itolo nu lusingimikisyo mumo u lwitiko lwakisisisyo ikylene, ubusitakwitika lukukitwala ikylene palapala ukugomokela kangi. Bo mumo u lwitiko lukukigogela ikylene, ukusitakwitika lusyusya ikylene. Yeso āyobile, “Akabalilo kako u mbepo umbībi abukile panja pa mundu, umwene ikylene mabuyo amumu kangi umwene ikugomokela ni misyétano igingi mihano-na-mibili.” Kangi linga u nnyambala unnunu gwa nyumba atikwimapo pala ukuponesya ikifigo kila, umwene isakwisa mulamula ukukindilila nkati. Kangi unnyambala unnunu ugwa nyumba yako yo lwitiko lwako. Yoba, “Yaga kubutali!” Ikyo kyo kyene.

⁸¹ Loli lilino ugwe ketesya u mbine uyu abumbulusigwe, mwabwila, pene papo ikylene kyo kika kyapamwanya. Iki, ulubumbulusyo Lwakyala ni kika fyo fibili ifindu ifikindāne. Ulubumbulusyo Lwakyala, ikindu kimokyene; i kika kyo kindu ikingi. Loli akendelo ka bwila ka lubumbulusyo Lwakyala, akabalilo kako umbepo unnyali akagigwe panja, u lisyétano gwa kansa, akabalilo kako ikylene kikusókapo pa mundu, “O!” Lilino, pamo tutigi uswe twisakwega ikindukimo ukuti umwe mubagile ukuketa ukongelela mwakuketelela, une nisakuyobaga, i nyanga. Fiki fyabonike akabalilo kako unnyambala yula...Linga umwe mwisakuketesya u mundu umfwamaso. Une ngamanya kali une njilemo siku na aligwesa apa pamo mma, mpaka nalino, ifisige fya nyanga. Une nisakubitikisya ukwima pa maminiti manini. Fiki? Ukuti ubōke bukwanda ukuboneka pa buyo. Ukubabula abene ukugomokela, tupaga uswe ubuketi. “O, mwe!” Abene babagile ukuketa kanunu. “O, mwe! Itolo, une mbagile ukuketa ifindu ifi! Ena! Une...” Fitamisye fyo fiki? Ubumi bukindile; umbili gwa nyanga gukōka. Ena, ikylene kisakubombaga i njila yila ku masiku mabili. Yoba, “O, une ngwisa ukuya kanunu fiyo.”

⁸² Kangi bo kakindilepo akabalilo, abene balinkwanda ukuya nu kubaba kwa ntu, komma ukwipilika kanunu fiyo. Ukusumuka ulubunju lwa kilabo kyake, “Une ne ngutaga ukuketa kwangu kangi.”

⁸³ Bamo mwa bene balinkuti, “Uu-huu, ugwe gwasyobekisye itolo. Ikipambo kila kya babunguluka-bikemo bakusyobekisye

ugwe itolo.” Komma ugwe ukwitika ikyo! Ubo bo butungulu bwa mōhési. Linga ugwe kwitika ikyo, ugwe kwisakugomokelaga kulakula ku bufwamaso kangi.

Loli linga ugwe kukolelelaga itolo, utigi, “Umma. Ntwa, une ngwitika.”

⁸⁴ Polelo kyo fiki kikuboneka? Umbili gula gukwisula ku kabalilo ka butali bumo. Ikyene kikukupilila pamwanya ubuketelo bula kangi. U kansa yula mu mbili isakwisula. Ugwe kwisa kuyaga gwakwifulasya nu gwabubabe kangi. Polelo ugwe kwisakuyaga nububibi mbine, naloliloli mbine. Fiki? Ubukule ubunywamu bula ubwa nyofu umfwano mwa ugwe bulambalele pala, gufwile.

⁸⁵ Ugwe kugomokela, u ngānga kangi umwene ikuyoba, “O, ikyo kyo kyabutoyofu. Apo po alipo u kansa palapala pala. Une mbagile ukukibona ikylene.” Naloliloli, ikylene kyo kili pala, loli ikylene kifwile. Aleluya!

⁸⁶ Lilino, ulusoko lwa lilopa lukufimbilisigwa ukukemesya umbili. Akabalilo kalikosa indumbula yikufutila, iyene yikusopa ililopa ukusyungutila u mbili, kangi iliyene likupimbamo imbungo yila. Naloli, ikylene kikukupelaga ugwe ukuya mbine. Bule linga ugwe gwaali ni ikiponje kya nyama yitūlike nkati mwa ugwe kubuyobumo, pamo na bubutali bo yi njoka, pamo ikindukimo ikinywamu ukusyungutila u lōbe lwāko, kangi kītulike nkati mula, kangi ikylene kyāfwile, ubunywamu bula ubwa nyama mwa ugwe, kangi iyene yikubola? Mulimosa, ena, ulusōko lwa lilopa lwako lukufimbilisigwa ukukyunga kila kipelelesye, bo iyene yikufutila ukukinda. Loli gulipo umbili umfwano, ikindu kītulike pala, panongwa yakuti ubumi busōkilēmo ukufuma mu kyene. A maka ga Kyala, ukwisila mu lwītiko, gakikagile ikylene panja. Umwene yo lisyētano; umwene ikufimbilisigwa ukusōkapo.

⁸⁷ Lōli, i nongwa, abāndu bakamanyisigwa. Abēne bikubūka ukusōkako, nukutolwa. Kangi u mōhesi yulayula imile palapala pala, ukwega ukupoka kangi. Akabalilo kako Kyala ikukubula ugwe kalikosa pa kigemo iki, ukwisila mwa Mbepo Gwake, akabalilo kako pasi pa buputiligwe, komma ukwilamwa ikyo, pamo ikindu ikibibipo kisakwisaga pa ugwe, Umwene alinkuyoba. Kabuno Yeso āyobile, “Akayilo kabumalikisyo bwa mundu yula kāli kahano-na-kabili kabibipo ukukinda akene kayīlile ku buyo bwakubwandilo.” Ngimba ikyo kyakutalusya? Akabalilo kako u mbepo unnyali asokilemo mwa mundu, umwene alyendendike ukusyungutila mmabuyo amumu, ukugomokela ni misyētano mihano-na-mibili igingi. Popāpo, komma ugwe ukwīlamwa. Ima palapala ni Kyēne. Sanusyaga ikyēne, ukufuma ku ndumbula yāko. Yoba, “Umma, nkulumba! Une ngabagila ukugutígwa! Kali nguya mbine bulebule une ngufika, ikyo kikaya nakyō nakimo ikyakubomba

ni kyene.” Polelo, i kindu kyakwanda umwe mumenye, ugwe kwisakwelukaga mosa. Kilikyosa kikuyaga kinunu polelo. Muketile, ikyene kifwile. U—u bupanje ubu ungānga angali ikwega ukufuma mwa ugwe, ikimela kilakila kilambalele mwa ugwe, kisita bumi mu kyene.

⁸⁸ Ugwe kuyoba, “Būmi mu kyēne, Nkundwe Branham, ngimba ikyēne kisakwēga u būmi bwāngu?” Umma, nkulumba. U būmi bula bo būmi bupāgulígwe ukufuma ku bwāko. Une ngunāngísye ugwe itolo ukuti gwāli bumi bumo kangi gwisile ukuya kindu, kangi ikyene bo bumi bumo kangi kikwisa ukuya kindu; kangi ugwe uli gwa Kyala, kangi ikyene kyo kya setano. Ugwe kukéta iki une ngusanusya? Bufündamisyétano. Lilino, ugwe kulondigwa ukukéta iki ikindu kila kikuboneka bo fiki akabalilo kako ugwe kwima kangi kuketa ku kyene.

⁸⁹ O, mwe, une nsuluménie, ikyēne kyo kifuki matatu-na-sinda. Une nsobile. Kēta, bīnāngu. O, iki ikisu iki kikulōndígwa!

⁹⁰ Une mfumile kifuki fyīnja fihano-na-fibili, ukumanyisya ukukilania America, ukuya ni ngōmāno sya bubumbulusyo isi. Une itolo nayagile ifundo inunu ukwandako kangi ukugomokela ukukilania i kisuz, ukumanyisya i Bangeli, kangi pa bufündamisyétano, mumo abandu babāgile ukupilikisya ikyakubomba. Kangi iyo yo nongwa, abene bikubuka ku ngomano isi, utubalilo twingi, kangi umwinitu...Linga umwe mutikupilikisya, abandu bikwisa panja, kangi utubalilo twingi... .

Lilino, ngimba mukumbukila umwinitu yula uyu ikwisa kangi aatile umwene aali ni kikungilwa kya bubumbulusyo Bwakyala? Ikikungilwa kya bubumbulusyo Bwakyala bwāli mwa ugwe linga ugwe ubumbulwike. Ikyene yo ugwe, gwe ugwe. Ikikungilwa kilikyosa kikubombela nu lwitiko. Kangi kali kyo kingi bulebule ikikūngilwa kya bubumbulusyo Bwakyala une ndinabo, une ngwitika ikyene ni ndumbula yangu yosa, loli ugwe ubagile ukwima apa kangi, linga ugwe ukaya nu luko lulalula ulwa lwitiko, ikyene kitikubomba ugwe nakimo ikinunu. Une mbagile ukukwiputula umwe, ku sala ni milungu ni myesi. Ikyene kikaya balumbilili aba bali nu bubumbulusyo Bwakyala. Ikyene kyo ugwe uyu ali ni kikungilwa kya lubumbulusyo Lwakyala, uyu ikwitika mu kubumbulusigwa, ’nongwa yakuti ikyene kyo ukwisila mu lwitiko. Nu lwitiko! Ububombelo bulibosa bwa Kyala buli nu lwitiko.

⁹¹ Iki lwīlo kyōsa ikya Kyala kyo kwisila mu lwītiko. Uswe tukaya nakyō nakimo ikyakipeligwa ikya kisu iki. Kilikyosa kya i—i kipanga kya Kikristi kyo fundo ya lwitiko. Kēta ku kilwīlo kya Kyala: lugano, buhofofu, lutengano, kukubilwa-kutali, ubununu, ukwilambika, ubololo, ubutengamoyo. Ngimba ikyo kitalusye? Kilikyōsa ikikindakipeligwa, nakimo ikyakipeligwa. Polelo uswe tutikuketa ku findu ifyakipeligwa, panongwa yakuti

uswe tukubombela ubukindakipeligwa. Kangi injila yene iyi uswe tubagile ukwala iyene, lo lwitiko, luli pa ifi Kyala ayobile fyali Bwanaloli, kangi uswe tukuketa pa Kisitakuboneka. Kangi uswe tukukōléla ifindu fila ifi fikaya, ukuya fifwane ifyene fyāli; bo yu Abraham ābōmbīle, kangi ukukitwala ikyene. Ameni! Abraham aakolile ifindu fila ifi fikaaliko, bo yu Kyala aabobile, ukuya palema nalinga ifyene fyaali. Ukuya fyinja mia yumo mbukusi, akapepelwikemo siku ku lufingo lwa Kyala ukwisila mbusitakwitika.

⁹² Une mbagile itolo ukwinogonela ikyo, bule ugwe? Ukuketa Sarah ikusumuka mmwanya u lubunju lumo. Kyala alinkuti, “Abraham!” Alinkuti, “Abraham, ugwe kuyaga nu mwāna.”

⁹³ Sarah ásumwike mmwanya. Ikuyoba, “Kwipilika bulebule ugwe, Sarah?” Iki kyo kilundilo ikifuluganie, loli pilikisya.

“Nakumo ukukindana.”

⁹⁴ “Ena, lwimiko kwa Kyala, uswe tukuyaga nagwe umwene! Buka kege a utwakusubisyla nu tutungilo, na filifyosa. Itēdekesyāga.”

Umma ndaga, u mwesi ugungi gulinkikīnda. “Sarah, kwipilika bulebule ugwe?”

“Nakumo ukukindana.”

Ikyinja kilinkukinda. “Sarah, ngimba bule ikyene?”

“Nakumo ukukindana.”

Ifyinja kalongo filinkukinda. “Nakumo ukukindana.”

Ifyinja malongo-mabili-na-fihano filinkukinda. “Nakumo ukukindana.”

⁹⁵ Abraham, mbuyo bwakuya monywa, umwene alinkuya gwamaka kangi gwamaka. Umwene āmenye ikyene kyayaga pakuya kingipo kya kīka akabalilo kōsa, panongwa yakuti umwene alimmwitike Kyala, kangi umwene akapepelwikemo ku lufingo lwa Kyala ukwisila mbusitakwitika. Umwene alinkuti, “Uswe tukuyaga nagwe umwene!” Kangi ulubunju lumo mūnda mwa Sarah mulinkwānda ukwisula, kangi unnini Isaki āpāpīgwe, panongwa yakuti Abraham ālitike Kyala. Kangi umwene alinkuketa pa findu, nu kubabalila ifindu fila ifi fikaaliko ukuya fifwane ifyene fyaaliko.

⁹⁶ Komma ukwisila mu fyakwipilika, komma ukwisila luketo. Ugwe utukwenda ukwisila mu fyakwipilika pamo u luketo. Ikyene kyo ukwisila mu lwitiko. Kangi akabalilo kako Kyala afumwisyeko kilikyosa, alinkuti, “Kilikyosa i findu ugwe kusuma, akabalilo kako ugwe kwiputa, itika ugwe gwambilila ikyene,” polelo kolelelaga ku kyene. Kyala ayobile mumo, ikyene kibagile ukuya lululo! Ameni. Imisyétano!

Lwitiko mwa Tata, ulwitiko mwa
 Mwanundumiana,
 Lwitiko mwa Mbepo Mwikemo, batatu mwa
 Yumo;
 Imisyétano gisakutetema kangi abonangi
 ukusumuka;
 Lwitiko mwa Yehova lwisa kalikosa
 kuyugania.

Uko ko kotalusya. O, mwe! Naloliloli ikylene kili. Yaga nu
 lwitiko mwa Kyala. Nkéta Umwene. Komma ugwe ukusema.
 Itügasya palapala pala. Kyala äyobíle lûlo!

⁹⁷ Kangi, imisyétano, fyo fiki ifyene? Ifyene fyo findu
 fyamwambepo. Lilino, u—u ngānga ikuyoba, “Ugwe uli na
 kansa. Ugwe uli na TB. Ugwe uli ni nyanga. Ugwe uli nu bubabe
 bwa kipambaga. Ugwe uli na *iki*.” Umwene yo mōhési. Ubwene
 bo bumi, kangi kunyuma kwa bumi bula yo mbepo. Balinga
 bamenye kangi babagile ukuketa u kansa yula, nyanga, ikylene
 kili nakyo—ikylene kili nakyo. . . Ikyene yo mbepo, kili nu—
 kili nu bumi mu kyene. Ena, nakimo kibagile ukuya nu bûmi
 kisita mbepo, umwe muketile, polelo pikufimbilisigwa ukuyapo
 u bûmi ukubombela kila, pabuyo bumo.

⁹⁸ Gope nu mpiki gula guli nu bumi mu gwēne. U sayansi
 gwesa nkisu kyosa akābagile ukutendeka ilyani limolyene ilya
 lisu. Ngimba umwe mumenye ikyo? Abene bikupela ikindukimo
 kikuboneka ngati ikylene, loli abene bikutoligwa ukubwaga
 ubufuluganie bwa bumi. Uyo yo Kyala. Muketile? Yeso alinkyoba
 ku mpiki, “Gugunigwe uyege ugwe. Ugwe ukaya nako ikipaso
 kilikyosa, kangi ugwe utisakuyamo siku nako kilikyosa.” Abene
 bākilenie kunyuma kula. Ukwene kwāli isala kifuki lwele
 ulubunju lula. Balinkukilania ukugomokela kifuki isala kalongo
 na yimo, bo abene bikubuka ku fyabugonelo. Peteri alinkuti,
 “Kēta u mpiki gula, ugwēne go mfwāno ukufuma ku misisi.”
 Fiki? Yeso ākemile ubumi ubu bwāli mu mpiki gula, ugu gwāli
 mu misisi, kangi ikindu kyosa kili nkufwa. Haleluya!

⁹⁹ Yula u Kristi yulayula abagile ukunkemela u kansa
 ukufuma ku misisi, kangi ikindu kyosa kisakufwaga. Ikipiki
 kila kyālimile pala itolo lulalula mumo ikylene kyāyilile, isala
 pabutasi, loli ugwe kwaga amani gikwanda ukugwa pasi,
 kangi polelo ikipapa kikwanda ukupātuka. Kangi i. . . Kwanda
 ukufūla panja, ilisiku ukufuma pa lisiku, kangi undungu
 ukufuma pa ndungu, kangi ukufuma pa kabalilo kakālipo
 nakapātu na kamokene aka mpiki gula gusyēle. Aleluya!
 Kansu, lyulu, nyanga, pamo kalikosa akangi, kikufimbilisigwa
 ukubuka akabalilo kako Kristi ikuyoba. Umwēne āsōsyāga
 imisyétano. Kangi Umwēne alinkuti, “Mu Ngamu Yāngu
 abēne bisakusatisyaga imisyétano, ukuyoba mu ndimi imbya,
 ukupimba mwanya injoka, pamo ukunwa ifindu ifyakugoga,

ikyene kitisa kubafulasyaga abene. Linga bikwala amaboko gabo pa babine, abene bisakubumbulukaga.”

¹⁰⁰ Ugwe unganile Umwene? Une nsuluménie une mkyüngile umwe isala apa pamusi apa, mwitügésye apa. Ugwe unganile u Ntwa? [Ikilundilo kikuyoba, “Ameni.”—Nsimbi.] Ngimba fiki fikubonekaga lilino? Linga ugwe kwitikisya Kristi ukuya mbumbulusyi gwako, kangi kwitikaga mu ndumbula yako ukuti ikindukimo kibonike kwa ugwe, kangi ugwe kwitika ugwe ubumbulusígwe, ngimba ugwe kwitikaga ukuti ugwe ubumbulusígwe? Komma ukundeka u mōhési atulike nakimo ikingi pa ugwe. Umilisyaga itolo nkyeni.

“Dokotala,” yoba—yoba, “dokotala, ngimba ikyene kikuboneka bulebule?”

Umwene alinkuti, “Fiki, ikyene kikāli kili pala.”

¹⁰¹ Mu ndumbula yako ugwe umenye, ugwe umenye iki kibonike. Huu! Ikindu kyākwānda umwe mumenye, yoba, “Yoba, nguswiga iki kyāboníke ku kindu kila?”

¹⁰² Polelo kuyoba, “Keta, dokotala, une ngukubulaga ugwe. Apa kyo iki kyāboníke, Yeso Kristi ālimbumbulwísye une. Uko ko kutalusya. Yeso Kristi ālimbumbulwísye une.”

¹⁰³ Umma ndaga, unko uswe twinamisye imitu gyitu itolo pakabalilo. Nkundwe Willet, ngimba ugwe ubagíle ukwisa apa itolo i miniti, nkundwe?

¹⁰⁴ Lilino, Tāta Gwakumwanya, uswe tukupalisya panongwa ya Lilopa lya Kristi. Kangi lumu utubalilo tumo u gwambombo Gwāko, Ntwa, atikubōmbéla a mahala, pa kuyoba akabalilo katali fiyo. Loli une lumu ngwipilika ngati Pauli, uyu ālumbilíle ikilo kyosa ikilo kimokyene. U mwinitu unnini alinkugwila panja pa dilisya kangi alinkugogigwa. Kangi u ntumigwa yula, ni Lisyu lya Kyala mbumi bwake, alinkubuka nukwala umbili gwake pa ndumiana, ubumi bulinkwisa mwa umwene kangi umwene alinkuya mumi kangi.

¹⁰⁵ Gwempala Kyala, une ngusyagania ukuti ilisuba lya bwigufu ubu lyo lilino likwingila, kubutali limalike, pakati pa musi lakindile, gyope ni misyüngulu gikugwa. Ulumuli Ulukulumba lukupanda ukufuma ku Kitangalala kya Kyala, ukwega ubuyo bwake ubwa ngami ya ngisi iyi yikwisa pa kisu. Kyala, une ngusyaganiaga une nguya nkangalepo ilisiku lililyosa. Unko une mbuke, Ntwa. Mbapo une amaka. Ndula une ukuyoba u Bwanaloli ubukulumba ubu kulikosa. Tutula uswe, kilabo pamūsi, ukuti uswe tukupilikisya ukongelelápo.

¹⁰⁶ Kangi, gwempala Kyala, sayaga ikilundilo ikinini iki pamusi apa. Ikilo iki, akabalilo kako abene bikwibungānia ku bubombelo bwa bubumbulusyo, ngulamba unnyambala aligwesa kangi unkikulu aligwesa alifikaga yumo ku nnine nukubuka kukuyobesania, nukuyoba, “Lilino, apa po...

komma—komma ukuya nu kwilamwa kangi mma. Uswe tukupilikisya kūko ikyene kikufumila lilino. Uswe tumenye ukuti umwene yo mōhési. Kangi uswe tumenye akabalilo kāko umwene ikusōkápo, umwene ikufimbilisígwa ukwisa pa bulagili bwa Kyala. Umwene ikufimbilisigwa ukubomba. Kyala abobile ayobile lulo. Umwene ikufimbilisigwa ukusōkámó.” Polelo, abēne balisōkága panja, basangaluke, ukusangaluka, ukwiyobéla ububumbulusyo bwābo. Nakimo, kileka nakimo ukwima mu njila yabo, kangi mma; itolo bukaga, ukwitika.

¹⁰⁷ Kangi, Kyala, ngulamba aka akanini akapanga apa, ni fipanga ifi ifyakwitikisania, filiyaga nu lusasano ukufuma pa lukomano ulu, Ntwa, ikyo kisa itolo kisakupimba ikyene ukukindilila, kangi abamia bingi ba myoyo ukutwaligwa mu Kitangalala kya Kyala. Tupaga ikyene, Tāta. Ngulamba abanyambala na bakikulu apa, ukufuma ukukilania ifisu nu buyo ubungi, abēne bali egaga i Ndumi ukugomokela ku fipanga fyābo, kangi abēne bali yaga nu luyigo lwa bubombelo-bwambukúlu. Tupaga ikyene, Ntwa. Tuswaga uswe isya mbibi syītu lilino. Tutula uswe ukuya bāmbombo Bāko. Mu Ngamu ya Yeso Kristi. Ameni.

¹⁰⁸ Une nguswiga, akabalilo kako umwe mwitugesye apa, alipo untulwanongwa mu nyumba umwisyugu, abagile ukuyoba, “Nkundwe Branham, ngumbukilaga une ndwiputo”? Ngimba ugwe ubagile, ngimba ugwe kufyusyaga ikiboko kyako? Ngimba alipo u mundu untulwanongwa? Une ndiku. . . Kyala akusaye ugwe, nkikulu. Ngimba alipo pala? Kyala akusaye ugwe, nkulumba. Ugwe, kangi ugwe, Kyala akusaye ugwe. Une nguswiga linga ugwe. . . Lilino, iki kyo kwa ugwe.

¹⁰⁹ Muketile, une ndikwitika mu kugomokela nyuma mu kilundilo. Une ndikukemela abangi aba bikubomba ikyene. Une ndikwitika mu kubūka nkilūndílo nukugela ukunkwaba umunduyumo. Muketile? “Nayumo umundu abagile ukwisa, pene papo Tata Uyu alinkwabile umwene.” Muketile? Uko ko kutalusya. Ugwe itolo kumkwaba umwene kula ukulwana nu bwigane bwake. Muketile? Loli linga Kyala ikukung’usya ku ndumbula yako, ugwe gwe mundu nkulumba-ukukinda gwalusako nxisu kya pasi. Ugwe itolo utikumanya bandu balinga aba une njobileko.



BUFÜNDAMISYÉTANO — UBÜLAGÍLI BWÁFYĀKUPALAMASÍGWA KYA53-0608A
(Demonology — Physical Realm)

IMBATIKANO SYA BUFUNDA-MISYETANO

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Kilembelo pamusi, Juni 8, 1953, ku Amphitheater ya Roberts Park mu Connersville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2023 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org